

# Lingua amahuaca

Na Galipedia, a Wikipedia en galego.

O **amahuaca** é unha lingua da familia pano que se fala no Brasil e Perú, e nese país ten a consideración de lingua oficial no seu territorio.

Índice

Historia

Situación actual

Dialectos

Escrita

Notas

Véxase tamén

Ligazóns externas

## Historia

Antes da chegada dos españois entre 6 e 9.000 amahuacas habitaban unha superficie de 30.000 km², divididos en múltiples subgrupos. Os primeiros contactos cos españois déronse no século XVIII. No século XIX a maioría dos amahuacas deixaron as ribeiras dos ríos Ucayali e Urubamba. En 1892 logo enfrontamento cos canibo, shipibo e piro, os amahuacas quedaron decimados. O exército peruano masacrou en 1943 os amahuacas que vivían no curso alto do río Purús. Os poucos amahuacas que sobreviviron agrupáronse e como resultado destruíuse a organización tradicional.

## Situación actual

Na actualidade o amahuaca conta con entre 300 e 400 falantes. En Perú hai 247 amahuacas censados en 6 comunidades (2000), deles no ano 2000 uns 100 falaban a lingua, pero os nenos xa non a falan e o mesmo grupo étnico estase desintegrando e perdendo a súa identidade diferenciada por mor da alta taxa de matrimonios mixtos. O territorio amahuaca abrangue o curso dos ríos Sepahua, Inuya, Curiuja, Curanjá e Yuruá nos departamentos de Ucayali e Madre de Dios. No Brasil os 220 amahuacas censados no ano 1995 falaban a lingua, o territorio amahuaca localízase no estado de Acre. Ademais pode haber 50 amahuacas non contactados na fronteira peruana-brasileira.

Amahuaca

Falado en: O Perú e o Brasil

Rexións: Amazonas

Total de falantes: 310 (1995–2000)<sup>[1]</sup>

Familia: Pano

Amahuaca–jaminawa


**Amahuaca**

Códigos de lingua

ISO 639-1: --

ISO 639-2: ---

ISO 639-3: amc (<http://www.sil.org/iso639-3/documentation.asp?id=amc>)



## Dialectos

---

- Inuvayen (Brasil)
- Inuya (Perú)
- Sepahua (Perú)
- Viwivakeu (Brasil)

## Escrita

---

Existe algún material escrito na lingua, a partir de 1963 misioneiros cristiáns traduciron pasaxes da Biblia, libros didácticos e de contos tradicionais, e existe tamén un dicionario e unha gramática.

## Notas

---

1. Ethnologue (ed.). "Amahuaca en Ethnologue (18th ed., 2015)". Consultado o 26 de outubro de 2017.

## Véxase tamén

---

### Ligazóns externas

- O amahuaca no Ethnologue ([http://www.ethnologue.com/show\\_language.asp?code=amc](http://www.ethnologue.com/show_language.asp?code=amc)) (*en inglés*)
- Dicionario amahuaca (<https://www.sil.org/resources/archives/29823>) no SIL (<https://www.sil.org>)

---

Traído desde "[https://gl.wikipedia.org/w/index.php?title=Lingua\\_amahuaca&oldid=5135737](https://gl.wikipedia.org/w/index.php?title=Lingua_amahuaca&oldid=5135737)"

---

**A última edición desta páxina foi o 2 de maio de 2019 ás 16:13.**

Todo o texto está dispoñible baixo a licenza Creative Commons recoñecemento compartir igual 3.0; pódense aplicar termos adicionais. Consulte os termos de uso para obter máis información.

Wikipedia® é unha marca rexistrada da Wikimedia Foundation, Inc., unha organización sen fins lucrativos.